

Informacija: održane IMPULS radionice

19.11.2015 13:28



U sklopu regionalnog IMPULS projekta u Tirani, Albanija, su u periodu od 16. do 19. 11. 2015. godine održane IMPULS radionice za radne pakete WP2, WP3, W4, WP5, a domaćin ovih događaja je bio Ured za registraciju nepokretnosti Albanije, zajedno s Državnom agencijom za geoprostorne podatke Albanije.

Navedene radionice su organizirane paralelno, s ciljem okupljanja svim učesnika radnih komponenti IMPULS projekta na jednom mjestu. Stoga su organizirane zajedničke aktivnosti i radionice za sve radne pakete, na kojima se raspravljalo o postignućima kroz prethodne aktivnosti, aktuelnim tehničkim, ali i strateškim problemima, te o načinima napretka. Tokom radionica se, uz planiranje regionalnih aktivnosti, vodilo računa i o lokalnim potrebama svih katastarskih agencija korisnica projekta.

Za svaki od radnih paketa, predvođen švedskim i hrvatskim konsultantima odgovornim za rad grupe, moglo se, također, u odvojenim sesijama diskutirati te aktivno raditi na tekućim problemima i razmijeniti iskustva na regionalnom nivou. Tako su za WP2 razmatrani nedostaci u postojećim zakonskim okvirima u odnosu na INSPIRE direktivu, te su detaljno analizirani hrvatski i švedski načini implementacije direktive u domaću legislativu. U okviru radnog paketa za harmonizaciju podataka – WP3 na ovoj radionici se radilo na finaliziranju dvaju inicijalno odabranih setova podataka, individualnoj podršci za svaku od

agencija korisnika te planiranju budućih aktivnosti i setova podataka za harmonizaciju. U okviru WP4, čiji su fokus aktivnosti metapodaci, razmatrale su se najbolje prakse održavanja metapodataka, diskutiralo o metadata profilu na IMPULS projektu te planiralo sljedeće korake. Također, švedski konsultanti su prezentirali informacije o procesima održavanja ovih podataka. U okviru radnog paketa za diseminaciju geopodataka – WP5 rad se fokusirao na dijeljenje prethodno harmoniziranih podataka, metadata katalog, discovery servise, njihov trenutni status, kao i na planirani put za napredak.

U ime Federalne uprave za geodetske i imovinsko-pravne poslove radionicama su prisustvovali zaposlenici različitih sektora uprave, kao i angažirani konsultanti:

Amira Babić – WP5;

Nikola Cvjetković – WP4;

Tomislav Tomić – WP3;

Muris Čeman – WP3;

Denis Tabučić – WP2.

Glavni cilj Impuls projekta je da zemlje regiona imaju moderan i funkcionalan okvir za dijeljenje prostornih podataka u skladu s regionalnim i međunarodnim zahtjevima. Također, cilj je da se ubrza razvoj inovativnih INSPIRE usluga za bolje donošenje odluka te da se postigne interoperabilnost podataka i usluga. Zemlje korisnice projekta su: Albanija, Bosna i Hercegovina, Crna Gora, Hrvatska, Srbija, Makedonija i Kosovo. Projekt IMPULS finansira Švedska međunarodna razvojna agencija (SIDA) s Lantmäterietom (švedska geodetska uprava) kao partnerom. Državna geodetska uprava Republike Hrvatske sudjeluje kao mlađi partner Lantmäterieta na ovom projektu.



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1', { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```

